

## **Nyanja - Malonjezo Malembo - Promises Scriptures**

**Genesis 20:6 Ndipo Mulungu anati kwa iye m'kulota, lode ndidziwa ine, kuti wacita ico ndi mtima wangwiyo, ndipo Inenso ndinakuletsa iwe kuti usand-icimwire ine: cifukwa cace sindinakuloleza iwe kuti umkhudze mkaziyo.**

**Eksodo 35:21,26 Ndipo anadza, ali yense wofulumidwa mtima, ndi yense mzimu wace wamfunitsa, nabwera naco copereka ca Yehova, ca ku nchito ya cihema cokomanako, ndi ku utumiki wace wonse, ndi ku zobvala zopatulika. 26 Ndi akazi onse ofulumidwa mtima ndi luso anapota ubweyawo wa mbuzi.**

**Numeri 10:35 Ndipo kunali pakucoka kumka nalo likasa, Mose anati, Ukani Yehova, abalalike adani anu; akuda Inu athawe pamaso panu.**

**Deuteronomo 2:25 Tsiku lino ndiyamba kuopsetsa nawe ndi kucititsa mantha nawe anthu a pansi pa thambo lonse, amene adzamva mbiri yako, nadzanjenjemera, nadzawawidwa cifukwa ca iwe.**

**Deuteronomo 9:3 Potero mudziwe lero lino, kuti Yehova Mulungu wanu ndiye amene aoloka pamaso panu ngati moto wonyeketsa; iye adzawaononga, iye adzawagwetsa pamaso panu; potero mudzawapitikitsa, ndi kuwaononga msanga, monga Yehova analankhula ndi inu.**

**Yoswa 2:9 nati kwa amunawo, Ndidziwa kuti Yehova wakupatsani dzikoli, ndi kuti kuopsa kwanu kwatigwera, ndi kuti okhala m'dziko onse asungunuka pamaso panu.**

**1 Samueli 17:48,50 Ndipo kunali, pamene Mfilistiyo anadzikonza, nadza, nasendera pafupi kuti akomane ndi Davide, Davide anafulumira, nathamangira ku khamulo, kuti akomane ndi Mfilistiyo. 50 Comweco Davide anapambana Mfilistiyo ndi mwala wa coponyera cace, nakantha Mfilistiyo, namupha. Koma m'dzanja la Davide munalibe lupanga.**

**Estere 8:17 Ndi m'maiko monse, ndi m'midzi yonse, mudafika mau a mfumu ndi lamulo lace, Ayuda anali nako kukondwera ndi cimwemwe, madyerero ndi tsiku lokoma. Ndipo ambiri a mitundu ya anthu a m'dziko anasanduka Ayuda; pakuti kuopsa kwa Ayuda kudawagwera.**

**Yobu 29:14 Ndinabvala cilungamo, ndipo cinandibvala ine; Ciweruzo canga cinanga mwinjiro ndi nduwira.**

**Miyambi 13:11,22 Cuma colandiridwa mokangaza cidzacepa; Koma wokundika ndi dzanja adzaona zocuruka. 22 Wabwino asiyira zidzukulu zace colowa cabwino; Koma wocimwa angosungira wolungama cuma cace.**

**Miyambi 22:22,23 Usalande za waumphawi cifukwa ali waumphawi, Ngakhale kutsendereza wosauka kubwalo. 23 Pakuti Yehova adzanenera mlandu wao; Omwe akwatula zao Iye adzakwatula moyo wao.**

**Yesaya 35:8 Ndipo kudzakhala khwalala kumeneko, ndi njira, ndipo idzachedwa njira yopatulika; audio sadzapita m'menemo; koma Iye**

**adzakhala nao oyenda m'njira, ngakhale opusa, sadzasocera m'menemo.**

**Yesaya 43:2 Pamene udulitsa pamadzi ndiri pamodzi ndi iwe; ndi pooloka  
mitsinje sidzakukokolola; pakupyola pamoto sudzapsya; ngakhale lawi  
silidzakutentha.**

**Yesaya 49:25 Koma atero Yehova, Ngakhale am'nsinga a wamphamvu adzal-  
andidwa, ndi cofunkha ca woopsyca cidzapulumutsidwa; pakuti Ine ndidzak-  
angana naye amene akangana ndi iwe, ndipo ndidzapulumutsa ana ako.**

**Yesaya 54:17 Palibe cida cosolidwira iwe cidzapindula; ndipo lilime lonse  
limene lidzakangana nawe m'ciweruzo udzalitsutsa. Ici ndi colowa ca  
atumiki a Yehova, ndi cilungamo cao cimene cifuma kwa Ine, ati Yehova.**

**Yesaya 59:17,19 Ndipo anabvala cilungamo monga cida ca pacifuwa, ndi  
cisoti ca cipulumutso pamutu pace; nabvala zobvala zakubwezera cilango,  
nabvekedwa ndi cangu monga copfunda, 19 Comweco iwo adzaopa dzina la  
Yehova kucokera kumadzulo, ndi ulemerero wace kumene kuturukira  
dzuwa; pakuti pamene mdani adzafika ngati cigumula, mzimu wa Yehova  
udzamkwezera mbendera yomletsa.**

**Yesaya 61:10 Ndizakondwa kwambiri mwa Yehova, moyo wanga udzakond-  
werera mwa Mulungu wanga; pakuti lye wandibveka ine ndi zobvala za  
cipulumutso, nandipfundu copfunda ca cilungamo, monga mkwati abvala  
nduwira, ndi monga mkwatibwi adzikometsa yekha ndi miyala yamtengo.**

**Ezekiel 22:30 Ndipo ndinafunafuna munthu pakati pao wakumanganso linga,  
ndi kuimira dziko popasukira pamaso panga, kuti ndisaliononge; koma  
ndinapeza palibe.**

**Ezekiel 45:8 M'dzikomo ili lidzakhala lace lace m'Israyeli; ndipo akalonga  
anga sadzazanzo anthu anga, koma adzapereka dziko kwa nyumba ya  
Israyeli monga mwa mapfuko ao.**

**Danieli 4:16 Mtima wace usandulike, usakhalenso mtima wa munthu,  
apatsidwe mtima wonga wa nyama, nizimpitire nthawi zisanu ndi ziwiri.**

**Danieli 7:4 Coyamba cinanga mkango, cinali nao mapiko a ciombankhangwa,  
ndinapenyera mpaka nthenga zace zinathothoka, nicinakwezeka kudziko,  
ndi kuimitsidwa ndi mapazi awiri ngati munthu, nicinapatsidwa mtima wa  
munthu.**

**Zekariya 4:6 Pamenepo anayankha, nanena kwa ine, ndi kuti, Awa ndi mau a  
Yehova kwa Zerubabele, Ndi khamu la nkhondo ai, ndi mphamvu ai, koma  
ndi Mzimu wanga, ati Yehova wa makamu.**

**Mateyu 24:22 Ndipo akadaleka kufupikitsidwa masiku awo, sakadapulumuka  
munthu ali yense: koma cifukwa ca osankhidwawo masiku awo  
adzafupikitsidwa.**

**Mateyu 26:41 Cezerani ndi kupemphera, kuti mungalowe m'kuyesedwa:  
mzimutu uti wakufuna, koma thupi liri lolefuka.**

**Marko 10:48-52 Ndipo ambiri anamuyamula kuti atonthole: koma makamaka  
anapfuulitsa kuti, Inu Mwana wa Davide mundicitire cifundo. 49 Ndipo Yesu**

**anaima, nati, Mwitaneni. Ndipo anaitana wakhunguyo, nanena naye, Limba mtima; nyamuka akuitana. 50Ndipo iye anataya copfunda cace, nazunzuka, nadza kwa Yesu. 51 Ndipo Yesu anamyankha, nati, Ufunu kuti ndikucitire ciani? Ndipo wakhunguyo anati kwa Iye, Raboni, ndilandire kuona kwanga. 52 Ndipo Yesu anati kwa iye, Muka; cikhulupiriro cako cakupulumutsa iwe. Ndipo pomwepo anapenyanso; namtsata Iye panjira. (Mateyu 20:30-34)**

**Marko 16:20 Ndipo iwowa anaturuka, nalalikira ponse ponse, ndipo Ambuye anacita nao pamodzi, natsimikiza mau ndi zizindikilo zakutsatapo, Amen.**

**Luka 14:23 Ndipo mbuye ananena kwa kapoloyo, Turuka, nupite kumiseu ndi njira za kuminda, nuwaumirize anthu alowe, kuti nyumba yanga idzale.**

**Luka 21:15,36 Pakuti Ine ndidzakupatsani inu kamwa ndi nzeru, zimene adani anu onse sadzatha kuzikana kapena kuzitsutsa. 36 Koma inu dikirani nyengo zonse ndi kupemphera, kutimukalimbike kupulumuka zonse zimene zidzacitika, ndi kuimirira pamaso pa Mwana wa munthu.**

**Yohane 17:15 Sindipempha kuti muwacotse iwo m'dziko lapansi, koma kuti muwasunge iwo kuletsa woipayo.**

**Macitidwe 11:23 ameneyo, m'mene anafika, naona cisomo ca Mulungu, anakondwa; ndipo anawandaulira onse, kuti atsimikize mtima kukhalabe ndi Ambuye;**

**Macitidwe13:48 Ndipo pakumva ici amitundu anakondwera nalemekeza mau a Mulungu; ndipo anakhulupira onse amene anaikidwiratu ku moyo wosatha.**

**1 AKorinto 10:13 Sicinakugwerani inu ciyeso koma ca umunthu; koma Mulungu ali wokhulupirika, amene sadzalola inu kuyesedwa koposa kumene mukhoza; koma pamodzi ndi ciyeso adzaikanso populumukirapo, kuti mudzakhoze kupirirako.**

**1 AKorinto 16:9 Pakuti panditsegukira pa khomo lalikuru ndi locititsa, ndipo oletsana nefe ndi ambiri.**

**2AKorinto12:9Ndipo ananena kwa ine Cisomo canga cikukwanira; pakuti mph-amvu yanga ithedwa m'ufoko. Cifukwa cace makamaka ndidzadzitamandira rriokondweratu m'maufoko anga, kuti mphamvu ya Kristu ikhale pa ine.**

**AEfeso 6:11 Tabvalani zida zonse za Mulungu, kuti mudzakhoze kucirimika pokana macenjerero a mdierekezi.**

**AHebri 1:7,14 Ndipo za angelo anenadi, Amene ayesa angelo ace mizimu, Ndi omtumikira iye akhale lawi lamoto; 14 Kodi siiri yonse mizimu yotumikira, yotumidwa kuti itumikire iwo amene adzalowa cipulumutso?**

**Yakobo 4:7 Potero mverani Mulungu; koma kanizani mdierekezi, ndipo adzakuthawani inu.**

**1 Petro 5:10 Ndipo Mulungu wa cisomo conse, amene adakuitanani kulowa ulemerero wace wosatha mwa Kristu, mutamva zowawa kanthawi, adzafikitsa inu opanda cirema mwini wace, adzakhazikitsa, adzalimbikitsa inu.**

**Pastor T. John Franklin**

**Church of Salvation, Healing, and Deliverance - COS-HAD.org**